

Колхоз бусы

XXV Международной юношеской нунал

Туэ быдэс мирьсь трудяшой егит'ёс Международной юношеской нуналлэсь XXV год-вшиназэ пумигало.

Международной юношеской нуналэз ортчотон сярьсь решение, егит'ёслэн социалистической организацизылэн Бернской (Швейцария) конференциязы кутэмын вал, кудыз 1915 арын Ленинлэн предложениез'я состояться кариськиз.

1939 арын Международной юношеской нунал международной обстановкалэн бад'эзым напряжениезлэн знак улсаз ортче.

Фашистской агрессор'ёс туртско выль мировой пожарез улзтыны. Фашистской варвар'ёс трудяшоесты начармонэ но быронэ нуо. Соос егит поколениез вань возможностьёслэсь лишить каризы.

Фашистской странаосын школаос казармаослы; дышетскн—военной муштрае превратить каремын. Германской фашист'ёс сю сюрс'ёсын ляд'яськись юношаосгы военной укрепленосты лэсьтонэ стонять каро. Итальянской фашист'ёс жалятэк быдто асьсэлэсь егит'ёссэс бесчисленной фронт'ёсын, куд'ёсыз направить каремын империалист'ёслэн грабительской интерес'ёсы понна. Военно-фашистской Япониян 14-15 арес'ем юношаос бесчеловечно подвергаты карисько эксплуатациялы, превращаться карисько калекаосы но инвалид'ёсы.

Фашистской режим трудяшой егит'ёслы адзонпотонтэм. Тани малы фашизмлы но империалистической войналы пумит, демократической свобода понна, капиталистической странаосысь трудяшой егит'ёслэн экономической но политической правооссы понна, Советской Союзэс—международной пролетариатлэсь великой родиназэ захищать карон понна нюр'яськон лозунг миллионэн ляд'яськись борец'ёслэн сюлэм'ёсазы весь кужмо но кужмо отклик басьтэ.

Быдэс мирьсь трудяшой егит'ёс осконэн но шумпо-



Пророков художниклэн плакатэз.

тонэн учко асьсэлэн шудо брат'ёссы но сузэр'ёссы шоры—победившой социализмлэн странаезлэн егит'ёсыз шоры.

Доподлинно прекрасной улонэз асьме егит поколенимылэн. Солэн азьпалаз усьтэмын вань возможностьёс: партия, правительство уг жаляло кужымзэс но средствозэс егит'ёсыз воспитать каронлы. Жог будо егит советской интеллигент'ёс — рабочийёслэн крестьян'ёслэн но служащойёслэн пинал'ёссы. Социалистической строительстволэн самой различной областьёсаз, кытын реализоваться карисько куйньметй сталинской пятилеткалэн гигантской план'ёсыз, асьмеос адзиськом, кызы пасыкыта юной стахановец'ёслэн но стахановкаослэн, егит талант'ёслэн, способной изобретательёслэн, мужественной геройёслэн рад'ёссы, куд'ёсыз прославлять каро великой подвиг'ёсынызы асьсэлэсь ярагоно социалистической родиназэс.

ВКП(б)-лэн исторической XVIII с'ездэз аслаз решениосаз пусйиз комсомоллэсь — коммунизм лэсьтонын партилэн верной помощникэз лэсь рользэ. ВЛКСМ-лэн Центральной Комитетэзлэн 7-13 апреле та арын ортчем VIII пленумез таин валче пусйиз комсомольской организациос азын сылысь задачаосты. Со нырызс ик ВКП(б)-лэн XVIII с'ездэзлэсь реше-

ниосэ но куйньметй пятилеткалэсь задачаоссэ быдэстон понна советской егит'ёслэн активной самоотверженной нюр'яськонзы луэ.

Советской егит'ёс усердно жуто асьсэлэсь идейно-политической уровеньзэс, овладевать каро марксизм-ленинизмэн.

Советской юношаос но ныл'ёс — асьсэлэн социалистической родиназылэн пось патриот'ёсыз. Родиназэс враг'ёслэсь возманы соос сётозы вань асьсэлэсь кужымзэс, вань асьсэлэсь тодонлыкэс, способностьэс, если кулэ ке луиз — улонзэс но.

Международной юношеской нуналэ советской егит'ёс демонстрировать каро асьсэлэн социалистической родиназылы, асьсэлэн другылы, бубызылы но дышетисьсылы, быдэс мирьсь трудяшойёслэн вождьылы Сталин эшлы величайшой яратонзэс.

Международной юношеской нуналэ асьме егит'ёс юнмат кусыпсэс вань странаосысь егит'ёсын.

ВЛКСМ—егит'ёслэн Коммунистической интернационалылэн передовой отрядзэ.

„Кулэ, чтобы интернационализмлэн духэз котьку витать мед кароз Комсомол азын“. Сталин эшлэн со нэзыблемой кыл'ёсыз вооружать каре асьме егит'ёсты революционной интернационализмлэн великой идеясыныз.

Селькорлэн гожтэтэз'я

Сеп сельсоветысь Николаевка колхозысь Загребин Василий колхозлэсь ужано валзэ быдтэз шуыса, „Колхоз бусы“ редакции селькорлэн гожтэтэз вуиз. Со гожтэт райпрокуратурае ужрад кутыны ыстэмын вал.

Райпрокуратура, колхозлэсь ужано валзэ виемез понна В. Загребин судэ сётэмын шуыса, милем ивортэз.

СССР-лэн Верховной Советэзлэн Нылетий Сессиез

Союзлэн Советэзлэн но Национальность-ёслэн Советсылэн 31 августэ 1939 арын огаздын заседанызы сярьсь Информационной ивортон

31 августэ, 1 часын нуназе, Кремльын, СССР-лэн Верховной Советэзлэн заседаниос ортчыт'ян залаз, Союзлэн Советэзлэн но Национальностьёслэн Советсылэн кыктэтйез огаздын заседанызы ортчиз.

Председательствовать кариз Национальностьёслэн Советсылэн председателез депутат **Н. М. Шверник**.

Верховной Советлэн Нылетий внеочередной Сессиезлэн нуналызылэн порядокусьтыз кыктэтй вопросэз'я всеобщей воинской обязанность сярьсь законлэн проектэз

пумысен докладэн выступить кариз СССР-лэн Оборонаезлэн Народной Комиссарез **К. Е. Ворошилов** эш, кудзэ кема кыстыськись аплодисмент'ёсын пумитазы.

Ворошилов эшлэн докладэз йылпум'яськем бере СССР-лэн Верховной Советэз Сессилэсь азьпалан ужан порядокэс тупатэ но со бере председательствовать карись **Н. М. Шверник** эш. Союзлэн Советэзлэсь но Национальностьёслэн Советсылэсь кыктэтйез огаздын заседанизэс ворсамен ялэ.

Союзлэн Советэзлэн но Национальностьёслэн Советсылэн 31 августэ 1939 арын огаздын ортчем заседанызы сярьсь Информационной ивортон

31 августэ 7 часын но 30 минутэ жытазе, СССР-лэн Верховной Советэзлэн заседаниос ортчыт'ян залаз, Кремльын, Союзлэн Советэзлэн но Национальностьёслэн Советсылэн куйньметйез огаздын заседанызы ортчиз.

Председательствовать каре—Союзлэн Советэзлэн председателез депутат **А. А. Андреев**.

Эскероно ужпум'ёс пöлын—Советской Союз но Германия куспын огод вылэ огод нападаты каронтэм вылысь договорез ратифицировать карон.

Та вопрос'я ивортонэн выступить кариз СССР-лэн Народной Комиссар'ёсызлэн Советсылэн председателез но иностранной уж'ёс'я Народной Комиссар **В. М. Молотов** эш. Со кема чоже кыстыськись аплодисмент'ёсын пумитамын вал.

Молотов эшлэн выступлениез бере депутат **А. С. Щербанов** предложение сётэ: СССР-лэн правительствеозлэн внешней политикаез тырмыт валамон но последовательной луэменыз СССР-лэн Народной Комиссар'ёсызлэн Советсылэн председателезлэн но иностранной уж'ёс'я Народной Комиссарлэн Молотов эшлэн ивортэмез'я приениос усьтыны кулэ ов-

ол. СССР-лэн Верховной Советэз та предложениез огкылысь кутэ.

Собере депутат **Щербанов** предложениез'я СССР-лэн Верховной Советэз, палатаос'я нимазы голосовать карыса, огкылысь таже постановление кутэ: «Советской Социалистической Республикаослэн Союззылэн Верховной Советэз СССР-лэн Народной Комиссар'ёсызлэн Советсылэн председателезлэсь но иностранной уж'ёс'я Народной Комиссарэзлэсь Вячеслав Михайлович Молотов эшлэсь Советской Союз но Германия куспын огод вылэ огод нападаты каронтэм вылысь договорез ратифицировать карем сярьсь ивортэмзэ кылыса, пунктэ:

1. Правительствозэсь внешней политиказэ одобрить кароно.

2. Советской Социалистической Республикаослэн Союззы но Германия куспын огод вылэ огод нападаты каронтэм вылысь договорез ратифицировать кароно. Москваын 23 августэ 1939 арын гожтэм договорез ратифицировать кароно.

Союзлэн Советэзлэн но Национальностьёслэн Советсылэн огаздын куйньметй заседанызы таин йылпум'яськиз.

Ивортон

8 сентябре 1939 арын 7 часэ жыт райклубын комсомолец'ёс но несоюзной егит'ёс понна СССР-лэн Верховной Советэзлэн внеочередной нылетий Сессиезлэн материал'ёсыз'я лекция луоз.

Нош 9 сентябре 6 час жыт „ВКП(б)-лэн историезлэн Крапкой курсэзлэн“ потэмезлэн годовщинаезлы сязыса, совещание ортчыт'яське, кудзэ одно ик лыктоно ВКП(б) член'ёслы, кандидат'ёслы, комсомолец'ёслы но вань советской интеллигенциялы.

РК ВКП(б)
РК ВЛКСМ.



ФАШИЗМ—ВРАГ КУЛЬТУРЫ

Колхоз бусуосысь стахановец'ёс

Вильгурт колхозысь (Тюптиево сельсовет) колхозницаос Бажелова Олимпиада, Тронина М., Овчинникова Пелагия, Стрелкова Мария, Корепанова Ефросиния кыин аран'я 0,16 гектар интые нормазэс 0,20 гектар быдэс'язы.

Озы ик та выль верам эш'ёс культу кергтылонын но нормаоссыс котькуд ну-

нал'ёсы мултэсэн быдэс'язы. Колхозник'ёс но колхозницаос котькуд нуналэ бадз'ым производительностен ужаса, 2 сентябрь аранзэс быдэс'язы.

Али кутсаськон бордын но государство ю-тысь сдаты карон бордын ужало.

Трония.

Приусадебной участок'ёсты мертанлэн итог'ёсыз

Приусадебной участок'ёсты мертан'я районамы 11 комиссияс ужасы. Дасэз комиссияс асьсэлэ вужзэс дырылэсь азыло но выль зечлыкэн быдэс'язы.

Нош одйгез комиссия, кудаз председатель луыса ужаз леспродторглэн начальникез Мансуров, партиэн но правительство лэн „Колхоз'ёслэсь общественной муз'ем'ёссыс разбазаривать каронлэсь возьман мераос сярэсь" постановтенизылэсь 7-ти пунктэс грубо нарушить кариз. Соин ик Мансуровлэсь ужзэ перделывать кароно луиз.

Приусадебной участок'ёсыз мертан'я умой ужаз райзолэн торфместерез Д. С. Городской эш. Со районысьтымы котькуд приусадебной участок'ёсыз мертан'я комиссияслэсь азыло но выль зечлыкэн ужзэ быдэс'язы.

Городской эшэз, тагэ ответственной ужын чест но ужакез понна, Всесоюзной сельскохозяйственной выставкае экскурсантэн ис'язы.

Ваньмыз районысьтымы колхозник'ёслэсь гинэ 3039, но 116 единоличной хозяйствоослэсь приусадебной участок'ёссыс мертамын. Приусадебной участок'ёсыз мертан дыр'я колхозник'ёслэн бакчаоссы бордыс 149,84 гектар но единоличник'ёслэн бакчаоссы бордыс 34,26 гектар общественной колхозной муз'ем борды прирезать каремын.

Уноез хозяйствоос сельхозустанов учкемлэсь кык поллэсь но трос приусадебной участок возылллям. Кылярысь, Сепож сельсоветысь „Н-Деревня" колхозысь колхозник В. Т. Бурков 1,11, Заякино кол-

хозысь Смирнов 1,20 гектар приусадебной участок'ёс возиллям.

Мултэс приусадебной участок возыны понна фиктивно люкиськем мурт'ёс но уно шарямын. Кылярысь, „Н-Деревня" колхозысь ик И. Л. Елькин муминыз ваче улыса 0,54 гектар приусадебной участок возыллэ. Нош Елькинлы таин гинэ оз тырмы. Со муминыз фиктивно люкиськем карыса, 0,75 гектар приусадебной участок эшшо басыны ухитряться карыскиз на.

Районамы 7 единоличной хозяйствоос земельной наделэн пользоваться карыскылызы на. Тани Кабаново гуртысь Ивонин Ильялэн 0,57 гектар приусадебной участка вал. Со сяна 13,51 гектар колхозной муз'ем пöлын пашняез но 4,47 гектар турнан возез ва на.

Ивонин эшлы партилэсь но правительствослэсь постановленизэс умой валэктыса, со колхоз пырыны заявление сёт'яз. Озы ик мукет'ёсыз но единоличник'ёс партилэн но правительстволэн закон'ёссылэсь бадз'ым значениз валаса, мылысь-кыдысь колхозэ гожтыськызы. Кылярысь, Заякинось А. Смирнов колхозэ пырыса колхозной пасекаосын но садын заведующей луыса ужа ни.

Али приусадебной участок'ёсыз мертан'я акт'ёс ваньмыз райисполкомлэн президиумезлэн заседанияз утвердигь каремын ни.

Та нунал'ёсы комиссиясын шарая мултэс приусадебной участок'ёсыз колхозной муз'ем борды прирезать карон борды но юбоос пуктылон борды кутскизы ни.

Ф. Овчинни.

Утевской районын (Куйбышевской область) колхозник'ёслэсь приусадебной участок'ёссыс мертан.



Суред вылын: „Стальной пахарь" сельхозартельсыс колхозницалэсь М.Е. Течкиналэсь приусадебной участка мертало. Паллянысен буре: райисполкомысь представитель—землеустроитель М.К. Мельников, М.Е. Течкина но мертасыс—колхозник П.Ф. Шадрин.



Гражданской войналэн героизлэн, асьме родиналэн племенной патриотэзлэн — В. И. Чапаевлэн бырем нуналысеныз (5 сентябрь 1919 ар) 20 ар тырм. Суред вылын: В. И. Чапаев.

Василий Иванович Чапаев

Кызы ар талэсь азыло, 1919 арын 5 сентябрь, быриз гражданской войналэн легендарной героизэс Василий Иванович Чапаев. Партизанской отряд'ёслэн командирсы, прославленной 25-ти дивизилэн командирез. Чапаев сёт'яз аслэсьтыз улöнзэ революцилэн уез понна, родина понна, советской власти понна.

Чапаев быриз аслаз улöнзлэн 33-ти араз.

Чапаевлэн вунэтонтэм образэз асьныз воплощать каре гражданской войналэн историзлэсь славной страницасэ но постоянно напоминать карытэ асьмелы калыклэн храброй пиосызлэсь помещик'ёсын кулак'ёсын, капиталист'ёсын но иностранной интервент'ёсын героически жугиськемзэс.

Чапаев сярэсь асьме калык'ёс пöлын кырзало кырзан'ёсты но слагать каро легендаосты, сказкаосты. Народной геройлэн образэз дуно но яратоно луэ Советской странаысь вань трудяшой'ёслы. Чапаевлэн образысьтыз асьмеос адзиськом социалистической общественностелэн адямиосылэсь лучшей, благородной чертаоссы—храбростез, героизмез, негибамой воляез, вормонлы неукротимой стремлениез, аслаз родиназлы, аслаз калыкезлы безграничной преданностез. Со бордын пленительной кужымез чапаевской образлэн, со бордын народной геройлэн памятезлэн бессмертиез.

Чапаевлэн но асьме родиналэн вань беззаветной пиосызлэн героической пример'ёссы вылын, куд'ёсыз сёт'яз асьсэлэсь улöнзэс родиналэн шудэз понна, воспитываться карысь колхоз революционной боец'ёслэн выль поколениоссы. Пырак улос советской калыклэн сюлэм'ёсказы славной герой'ёс сярэсь память.

(203 номеро прессбюллетеньсыс вакчиатыса).

187 процентлэсь но ятыр нормазэ быдэс'я

Карачум сельсоветысь Люк колхозысь Семенов Григорий Васильевич гречукаез турнан'я котькуд нуналэ 187 процентлэсь но ятыр нормазэ быдэс'я. Семенов эш колхозной производстволэн котькыче уждураз честно ужа но выль показательёсыз басытыны

понна кюр'яске. Семенов эшлэн примерез'я, И. Т. Кореанов, Д. А. Усков, А. И. Птириимов эш'ёс но бадз'ым показательёс возматони. Соос котькуд нуналэ гречука турнанын нормазэс мултэсэн быдэс'яло.

Я. Усков.

Государстволы ю-тысь

Тюптиево сельсовет государство ю-тысь сдаты карон планзэ 1 сентябрь 49,8 процентлы быдэс'яз ни. Озы ик Котегурт сельсовет но ю-тысь сдаты карон'я планзэ 48,5 процентлы быдэс'яз. Тюптиево сельсоветлэн председателез Емшанов но Котегурт сельсоветлэн председателез Полянцева эш'ёс та бадз'ым политической уез дыраз быдэстон понна нунал-

мысь сюлмасыко. Нош таосын шошик Зура сельсовет та нуналзэ государство ю-тысь сётон планзэ 12,8 процентлы сяна оз быдэсты на. Озы ик ю-тысь нуон'я районзэ бере кыско Б-Пурга но Быдзимошур сельсовет'ёс. Та сельсовет'ёслэн председателёссы Бармин но Чирков дыртонзэ валатэк уло.

Трония.

Умой ужась колхозник'ёслэсь мылкыдзэс куашкаты

Быдзимошур сельпо Юровой колхозэ октон-калтонын умой ужась колхозник'ёс понна 10 пара голошиос вис'ям вал. Нош колхозлэн председателез Никитин Петр, со голошиосты умой ужась колхозник'ёслы сёт'ям интые, пус куяса, кинлы шедэз озы сёт'яз. Соин ик умой ужась колхозник'ёслы

та голошиос оз шеде, а шедизы сыче колхозник'ёслы, куд'ёсыз колхозной производстволэн мылпотэмзыя гинэ ужало. Кылярысь, Русских Мариялэн туз арын трудоденез чиньынен лыд'ямон сяна овол. Нош со честной колхозник'ёс сямен ик голоши басыт'яз.

Колхозник.

Лжеколхозник'ёс

Котегурт сельсоветысь Либрашур колхозысь колхозница Селиверстова Мария колхозной производствое ужаны туж шер пота. 30 августозь 16 трудоденьлы сяна оз ужа на.

— Мынам кузпалы колхозын ветсанитар луыса ужа, со умой трудодень басытэ, ужаны ой ке но пота сөдоз ай,— шуэ со.

Та Селиверстовалэн кузпалы Селиверстов Андрей складовщикын улыкуз колхозной складыс клевер кыдысэ 9 килограммзэ лушкемен нуыса, аслаз приусадебной участказ кизем. Озы ик мукет культураосты но Селиверстовлэн ас понназ тус-тас каремез шараямын. Со ик 263 манет колхозной коньдонез но аслыз киулт'яз.

Колхозник'ёслэн обшой собранизы, Селиверстовлэсь вань шараям тырмымтэоссы 1 сентябрьзэ взыскать ка-

рон вылысь решение кут'яз. Нош колхозлэн председателез Корепанов тае уж вылын быдэстон вылысь номыр оз лэсты на. Колхозник.

Точной ответ



— Очкитэк угадзиськы; лыдзы ай пие, кытчы та скорес нуэ. Пичи пи:—Конечно, колхозысь, дедушко...

III кварталлы тупатэм коньдон огазеан планлэн 1 сентябрьзэ быдэсемеэз сярэсь сводка

Сельсовет'ёс	Процентлэн вераса
Зурипской	72,4
Котегуртской	52,5
Сепской	53,3
Чубоевской	28,4
Сепожской	41,3
Тюптивеской	39,1
Быдзимошуреской	29,0
Б-Пургинской	44,3
Штанигуртской	24,5
Карачумской	31,8
Ваньмыз	43,8

150 культу зегез таргазы

Быдзимошур колхозлэн старшой конюхез Усков Андрейн 1 сентябрь вал'ёсыз уйлы сюдыны нуысааз, соосыз умой возьман интые, уйбыт көлиз. Усковлэн ас ужезлы безответственно относиться карыськеменыз срен, со уйе вал'ёс 150 культу арам зегез номырлы ярантэм таргазы.

Ложьяна.

Редакторез воштысь А. Шляев. Поттысь райисполком.